



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Achervntino Archiepisc.

**urn:nbn:de:hbz:466:1-20006**

ceris fuisse assumptus, discretioni vestrae per apostolica scripta mandamus quatenus eum dicto Subdiacono nostro sine dilatione ac difficultate qualibet ob apostolicae sedis reverentiam cum omni jure suo liberaliter conferatis, stallum in choro & locum in Capitulo Archidiacono debitum eidem pariter assignantes, ut vos ad receptionem proborum virorum faciles & ad implenda mandata sedis apostolicae inveniamus benevolos & devotos. Ad haec, auctoritate vobis praesentium inhibemus, ne archidiaconatum ipsum post receptionem praesentium alij cuiquam conferatis. Quod si contrarium, quod non credimus, faceritis, nos factum vestrum irritum esse decernimus & inane. Noveritis etiam nos dilectis filiis Praeposito sancti Gaudentij Novarien. & magistro V. Balbo Canonico Mediolanen. Subdiaconis nostris praecipiendo mandasse ut si vos, quod scribimus, nolueritis vel distuleritis adimplere, ipsi id auctoritate apostolica exequantur, ipsum de archidiaconatu investientes eodem, & ejus possessionem assignantes eidem; vos quoque ad receptionem ipsius, auctoritate nostra suffulti, ecclesiastica distractione, sublato appellationis obstaculo, compellententes. Datum Spoleti VII. Kal. Septembris.

CANONICIS BVRGI  
sancti Domini.

**E**X literis & conquestione vestra nobis innotuit quod cum propter praesumptionem, quam cives Parmen. in invasione dilecti filij nostri P. sanctae Mariae in via lata Diaconi Cardinalis & ablatione suarum rerum non sunt veriti attentare, Ecclesia vestra sit per venerabiles fratres nostros Archiepiscopum Mediolanen. & Cuman. Episcopum secundum apost. mandati tenorem a potestate & jurisdictione Episcopi Parmen. exempta, postquam idem Episcopus comminationis recepit literas, occasione cujusdam procurationis quam a vobis debite requirebat, cum procuratio, quam ei debeatis, paucis diebus elapsis ei plenarie fuisset a vobis exhibita, Episcopus ipse, dilecto filio Praeposito vestro nullatenus requisito, vos ab officio & beneficio suspendere minime dubitavit. Nos igitur quod in poenam contra cives Parmen. a nobis est provida deliberatione statutum, temeritate cujuspiam infrin-

gi nolentes, eidem Episcopo discrete praecipimus ut in Ecclesiam vestram vel vos nullam jurisdictionem exercere vel vobis aliquod gravamen inferre praesumat. Alioquin nos dilecto filio Praeposito Regim. dedimus in mandatis ut eundem Episcopum ab hujusmodi per censuram ecclesiasticam, sublato appellationis obstaculo, nostra fretus auctoritate compefeat; eum nihilominus ad exhibendam vobis justitiam super Ecclesia sanctae Mariae & aliis Ecclesiis de Sorana, & super Ecclesiis de Curticel. scilicet sancti Victoris, & sancti Ingulsi, appellatione remota ecclesiastica distractione compellens. Vnde discretioni vestrae per apostolica scripta mandamus quatenus supradictam suspensionis sententiam in vos ab Episcopo jam dicto prolatam nullatenus observetis. Datum Spoleti VII. Kal. Septembris.

*Scriptum est Parmen. Episcopo, discrete praecipiendo juxta tenorem literarum istarum. Scriptum est G. Regim. Praeposito, ut ipsum Episcopum a praedictis censura ecclesiastica compefeat, & ad exhibendam justitiam de praedictis Ecclesiis eadem distractione compellat.*

ACHERVNTINO ARCHIEPISC.

**S**ignificante nobili viro R. Comite Licij, nostro est apostolatui referatum, quod capellam sanctae Mariae de Lannian. a se reparatam pariter & dotatam Cisterciens. fratrum regulis informare disposuit pro salute sua pariter & parentum; monasterium quoque quod est in castro Genusij, in quo jus obtinet patronatus, propter nigrorum monachorum incuriam in spiritualibus & temporalibus usque adeo jam consumptum quod in eo vix possunt quatuor sustentari, ut in utriusque respirare valeat, adjunctum ipsi capellae, Abbatiae Casemarij disposuit supponendum. Verum quia laicis, etiam religiosis, disponendi de rebus Ecclesiae nulla est attributa facultas, fraternitatem tuam rogamus pariter & hortamur quatenus quod per eum legitime fieri non potest, per tuam fortietur auctoritatem effectum, si utilitati ecclesiasticae videris expedire. Datum Spoleti VI. Kal. Septembris.

*Epist. 341. Ut a laicis res ecclesiasticae non admittantur, sed extracta monasteria ab Episcopis conlocentur.*

*Epist. 340. De privilegio & exemptione illorum, ne ab Episcopo Parmenensi vexentur. Vide supra epist. 121. 393.*